



ბრძანება №01-02/37

ბსუ-ს უმაღლეს საგანმანათლებლო პროგრამებზე 2025-2026 სასწავლო წლის გაზაფხულის სემესტრისათვის სასწავლო პროცესის წარმართვის მიზნით მოსაწვევ მასწავლებელთა პერსონალის შესარჩევი ღია კონკურსის გამოცხადების შესახებ

„უმაღლესი განათლების შესახებ“ საქართველოს კანონის 22-ე მუხლის 1-ელი პუნქტის, ბსუ-ს წესდების მე-13 მუხლის, „ბსუ-ს აკადემიური პერსონალის აფილირების, აკადემიური და მოწვეული პერსონალის შრომის დატვირთვის განსაზღვრისა და ანაზღაურების გაცემის წესის დამტკიცების შესახებ“ ბსუ-ს წარმომადგენლობითი საბჭოს 2023 წლის 08 სექტემბრის №07-01/42 გადაწყვეტილების, „ბსუ-ს 2025-2026 სასწავლო წლის აკადემიური კალენდრის დამტკიცების შესახებ“ ბსუ-ს აკადემიური საბჭოს 2025 წლის 22 ივლისის №06-01/70 დადგენილების, ჰუმანიტარულ მეცნიერებათა ფაკულტეტის დეკანის 2026 წლის 23 იანვრის MES 5 26 0000059963, 02 თებერვლის MES 7 26 0000098223 და 04 თებერვლის MES 2 26 0000115651, საბუნებისმეტყველო მეცნიერებათა და ჯანდაცვის ფაკულტეტის დეკანის 2026 წლის 23 თებერვლის MES 7 26 0000205601, ზუსტ მეცნიერებათა და განათლების ფაკულტეტის დეკანის 2026 წლის 04 თებერვლის MES 3 26 0000117047, ზუსტ მეცნიერებათა და განათლების ფაკულტეტის ენებისა და საინფორმაციო ტექნოლოგიების ცენტრის ხელმძღვანელის 2026 წლის 17 თებერვლის MES 8 26 0000177596 და ტექნოლოგიური ფაკულტეტის დეკანის 2026 წლის 24 თებერვლის MES 5 26 0000211558 სამსახურებრივი ბარათების საფუძველზე,


ვ ბ რ ძ ა ნ ე ბ:

- 2025-2026 სასწავლო წლის გაზაფხულის სემესტრისათვის ბსუ-ს უმაღლეს საგანმანათლებლო პროგრამებზე სასწავლო პროცესის წარმართვის მიზნით **გამოცხადდეს ღია კონკურსი მასწავლებელთა პერსონალის შესარჩევად**, წინამდებარე ბრძანების №1 **დანართის** შესაბამისად (ფაკულტეტის დარგობრივი დეპარტამენტის ვაკანტური სასწავლო კურსები, ლექცია/ჯგუფში მუშაობა, ჩატარების ადგილი, ჩასატარებელი საათების ოდენობა და ჩატარების სემესტრი).
- კონკურსში მონაწილეობის მიზნით, კონკურსანტებმა, ბსუ-ს საქმისწარმოების სამსახურის (კანცელარია) მეშვეობით, **მატერიალური სახით უნდა წარმოადგინონ:**
 - განცხადება (შევსებული თანდართული ფორმის - №2 **დანართის** შესაბამისად);
 - პირადობის მოწმობის (ან პასპორტის) ასლი;
 - ფერადი ფოტოსურათი (ზომა 3/4);
 - CV (შევსებული უახლესი ინფორმაციით და ხელმოწერილი ყოველ გვერდზე);
 - უმაღლესი განათლების დამადასტურებელი დოკუმენტის (ბაკალავრის, მაგისტრის, დოქტორის) სათანადო წესით დამოწმებული ასლი (**შენიშვნა:** განცხადებაში ხაზი გაუსვით შესაბამისი განათლების დამადასტურებელ დოკუმენტს, რომელიც თან ერთვის განცხადებას);
 - სხვა დოკუმენტი.
- კონკურსის ვადები განისაზღვროს შემდეგნაირად:**

- ა) საკონკურსო დოკუმენტაციის წარმოდგენა - 2026 წლის 25-26 თებერვალი, 10:00 - დან 17:00 საათამდე, ბსუ-ს საქმისწარმოების სამსახურში (კანცელარია);
- ბ) კონკურსის ჩატარება (დოკუმენტაციის შემოწმება, კონკურსანტებთან გასაუბრება / საჭიროების შემთხვევაში საცდელი ლექციის ან ჯგუფში მუშაობის ჩატარება, შესასრულებელი სამუშაოს შესაბამისად) - 2026 წლის 27 თებერვალი (კონკურსანტთა სია და გასაუბრების (საჭიროების შემთხვევაში საცდელი ლექციის ან ჯგუფში მუშაობის ჩატარება, შესასრულებელი სამუშაო დატვირთვის სახის შესაბამისად) ჩატარების დრო და ადგილი კონკურსანტებს ეცნობოს საკონკურსო კომისიების მიერ, ბსუ-ს ოფიციალური ვებგვერდის (კონკურსების ველის) მეშვეობით, გასაუბრების/საცდელი ლექციის ჩატარებამდე არაუგვიანეს 1 დღით ადრე (დასაშვებია კონკურსანტის CV-ში მითითებულ სატელეფონო ნომერზე შეტყობინება ან/და ელექტრონული ფოსტის მეშვეობით ინფორმირება);
- გ) საკონკურსო კომისიების მიერ საკონკურსო შედეგების საჯარო გამოცხადება ბსუ-ს ოფიციალური ვებგვერდის და შესაბამისი ფაკულტეტის საინფორმაციო დაფის მეშვეობით - არაუგვიანეს 2026 წლის 27 თებერვალი;
- დ) კონკურსანტთა სააპელაციო საჩივრების (ასეთის არსებობის შემთხვევაში) მიღება ბსუ-ს საქმისწარმოების სამსახურის (კანცელარია) მეშვეობით - 2026 წლის 02 მარტი, 10:00 საათიდან 15:00 საათამდე;
- ე) კონკურსანტთა სააპელაციო საჩივრების (პრეტენზიების) განხილვა და საბოლოო შედეგების გამოცხადება ბსუ-ს ოფიციალური ვებგვერდის მეშვეობით - არაუგვიანეს 2026 წლის 04 მარტი.
4. კონკურსში გამარჯვებულ კონკურსანტებთან შრომითი ხელშეკრულებები გაფორმდეს 2025-2026 სასწავლო წლის გაზაფხულის სემესტრისათვის სასწავლო პროცესის წარმართვის მიზნით შესაბამის ფაკულტეტზე პერსონალის მოწვევისა და მათი სამუშაო (აკადემიური) დატვირთვის განსაზღვრის შესახებ ბსუ-ს რექტორის ბრძანების გამოცემის შემდეგ (შრომითი ხელშეკრულების ვადა განისაზღვრება მოწვეული პირის სამუშაო დატვირთვის შესაბამისი სემესტრის/სემესტრების ხანგრძლივობის შესაბამისად (შენიშვნა: დასაშვებია: ა) კონკურსში გამარჯვებული კონკურსანტი არ იქნეს მოწვეული შრომითი ხელშეკრულების გასაფორმებლად, თუკი არ შედგა სტუდენტთა ჯგუფი ან სასწავლო პროცესის ორგანიზებასთან დაკავშირებული სხვა მიზეზის გამო; ბ) კონკურსში გამარჯვებული კონკურსანტისათვის შეთავაზებული იქნეს შესაბამისი მიმართულებით სხვა სასწავლო კურსები/სხვა ოდენობის აკადემიური (სამუშაო) დატვირთვის შესრულება, გარდა კონკურსის გამოცხადების შესახებ წინამდებარე ბრძანებაში/აქტში მითითებული სასწავლო კურსებისა).
5. წინამდებარე ბრძანების საფუძველზე შერჩეული და დასაქმებული მოწვეული პერსონალის შრომა ანაზღაურდება საათობრივად, სამუშაო (აკადემიური) დატვირთვის ბრძანებისა და შესრულებული საათების შესაბამისად, ბსუ-ს ადმინისტრაციის ხელმძღვანელის 2023 წლის 29 სექტემბრის №01-10/112 ბრძანებით განსაზღვრული ტარიფით (ერთი აკადემიური საათი (50 წუთი) - დოქტორის ხარისხის არმქონე სპეციალისტისათვის/მასწავლებლისათვის - 18 ლარი, ხოლო დოქტორის ხარისხის მქონე სპეციალისტისათვის/უფროსი მასწავლებლისათვის - 20 ლარი).
6. კონკურსის შედეგად შერჩეული და დასაქმებული (მოწვეული პირი) ვალდებულია, მისი შრომითი (აკადემიური) დატვირთვის გათვალისწინებით, შეასრულოს ბსუ-ს სამართლებრივი აქტებით დადგენილი ფუნქციები, მათ შორის:

- ა) ლექციის / პრაქტიკულის / სემინარის /ჯგუფში სამუშაოს / კურაციული / ლაბორატორიული სამუშაოს დაგეგმვა, მომზადება და ჩატარება, სამუშაო საათობრივი დატვირთვის ბრძანებისა და შესაბამისი საგანმანათლებლო პროგრამის სასწავლო კურსის სილაბუსის მიხედვით;
- ბ) შუალედური და დასკვნითი გამოცდების საკითხების მომზადება და საგამოცდო ნაშრომების გასწორება;
- გ) ბსუ-ს სასწავლო პროცესთან დაკავშირებული სხვა საქმიანობა, რაც გამომდინარეობს საქართველოს კანონმდებლობიდან, შრომითი ხელშეკრულებიდან და ბსუ-ს რეგულაციებიდან, რომლებიც განთავსებულია ბსუ-ს ვებგვერდის ველებში „იურიდიული ცნობარი“ და „სტუდენტთა გზამკვლევი“ (ბსუ-ს შინაგანაწესი, ეთიკის კოდექსი, „ბსუ-ს სასწავლო პროცესის მარეგულირებელი წესი“, „ტურნიტინის პროგრამის ადმინისტრირების წესი“, „აკადემიური კეთილსინდისიერების დაცვის წესი“ და სხვა).
7. შეიქმნას **საკონკურსო კომისიები** ფაკულტეტების/დარგობრივი დეპარტამენტების მიხედვით წინამდებარე ბრძანების №3 **დანართის** შესაბამისად და დამტკიცდეს მათი მუშაობის წესი, წინამდებარე ბრძანების №4 **დანართის შესაბამისად**.
8. ბსუ-ს ფაკულტეტების **დეკანებს** დაევალოთ 2026 წლის **06 მარტის** ჩათვლით უზრუნველყონ 2025-2026 სასწავლო წლის გაზაფხულის სემესტრისათვის ბსუ-ს პერსონალის/ხელშეკრულების საფუძველზე მოწვეული პირებისა და გამარჯვებული კონკურსანტების საათობრივი სამუშაო დატვირთვის განსაზღვრის შესახებ სამსახურებრივი ბარათების წარმოდგენა.
9. დაევალოს სასწავლო პროცესის დეპარტამენტს, წინამდებარე ბრძანებით განსაზღვრული კონკურსის გამოცხადების შესახებ განცხადების ტექსტის მომზადება და ვებგვერდზე განთავსებისათვის საინფორმაციო ტექნოლოგიების სამსახურისათვის მიწოდება.
10. დაევალოს საინფორმაციო ტექნოლოგიების სამსახურს ბრძანება განათავსოს ბსუ-ს ვებგვერდზე, ხოლო საქმისწარმოების სამსახურს (კანცელარია) - ამ სამსახურთან არსებულ საინფორმაციო დაფაზე.
11. ბრძანების აღსრულებაზე კონტროლი განახორციელოს რექტორის მოადგილემ სასწავლო და სამეცნიერო მიმართულებით (გიორგი ქათამაძე).
12. წინამდებარე ბრძანება დაეგზავნოს რექტორის მოადგილეებს, ხარისხის უზრუნველყოფის სამსახურს, ადმინისტრაციის ხელმძღვანელს, ფაკულტეტებს, სასწავლო პროცესის დეპარტამენტს, იურიდიულ დეპარტამენტს, საინფორმაციო ტექნოლოგიების სამსახურს, საქმისწარმოების სამსახურს (კანცელარია).
13. ბრძანება ძალაშია ხელმოწერისთანავე.
14. ბრძანება შეიძლება გასაჩივრდეს კანონმდებლობით დადგენილ ვადაში და წესით ბათუმის საქალაქო სასამართლოში (ქ. ბათუმი, ს. ზუბალაშვილის ქ. № 30.).

ბსუ-ს რექტორი



ტიტე აროშიძე